

ՀԱՅՈՑ ՊԱՏՄՈՒԹՅՈՒՆ

(առարկա)

ԹԵՄԱ - Հետազոտահեն ուսուցումը որպես պատմական մտածողության
խթան

Կազմեց՝ Սերի Մարտիրոսյան Վոլոդյայի

(անուն, ազգանուն, հայրանուն)

<<Կապանի թիվ 3 միջնակարգ դպրոց>> ՊՈԱԿ

(դպրոցի անվանումը)

Ղեկավար՝ Լիլիթ Առաքելյան

<<Կապանի N2 ավագ դպրոց>> ՊՈԱԿ

(վերապատրաստող կազմակերպության անվանումը)

Կապան 2022

Բովանդակություն

Ներածություն

Գլուխ 1- Հետազոտահեն ուսուցման տեսական հիմքերը, պատմական ակնարկ

Գլուխ 2- Հետազոտահեն ուսուցման իմ փորձը

Հավելված - Նյութական մշակութային ժառանգության ուսումնասիրության համար հուշարձանի ուսումնասիրության ներկայացման ձևաչափ, լուսանկարներ , վիմագիր արձանագրությունների վերծանություններ, հատակագծեր

Եզրակացություն

Օգտագործված գրականության ցանկ

կմոռանամ, ցու՛յց տուր ինձ, և ես կհիշեմ, մասնակի՛ց դարձրու, և ես կհասկանամ»
(Կոնֆուցիոս):

Ներածություն

Սովորողների հետազոտական կարողությունների զարգացման խնդիրն ունի արդիական մանկավարժական հնչեղություն, որի լուծման ուղիներից է հետազոտահեն ուսուցումը: Հետազոտական աշխատանքում ներկայացված են հետազոտահեն ուսուցման տեսական հիմքերը, հայ և օտարազգի գիտնականների, մանկավարժների գաղափարները՝ կարևորելով սովորողների ինքնուրույն գործունեությունը, իմ մանկավարժական փորձը:

ՄԱԿ-ի Կայուն զարգացման ծրագրի չորրորդ նպատակը վերաբերում է որակյալ կրթության հասանելիությանը՝ նախանշելով մինչև 2030 թ. «խթանել որակյալ ցկյանս ուսումնառության հնարավորությունները բոլորի համար, բոլոր միջավայրերում և կրթության բոլոր մակարդակներում»:¹

Որակյալ կրթության ապահովման ուղիներից է երեխաների տարիքային և անհատական առանձնահատկություններին համապատասխան ուսուցման կազմակերպումը, նրանց փորձարարության խթանումը: Քսանմեկերորդ դարում տեղի ունեցող արագ փոփոխությունների և հսկայածավալ տեղեկայթի ստեղծման և կուտակման պայմաններում այսօր կարևորվում է սովորողների ինքնուրույն ստեղծագործական գործունեության և ցկյանս ուսումնառության նախապատրաստումը, որտեղ առանցքային դեր ունի հետազոտական կարողությունների զարգացումը:

Հետազոտահեն ուսուցումը նպաստում է պատմական մտածողության զարգացմանը և շատ կիրառելի է պատմության դասավանդման ընթացքում:

¹ Արցախի սերտական համալ սարանի գիտական տեղեկագիր 2/2021, Հետազոտահեն ուսուցման տեսական հիմքերը, էջ 105

Գլուխ 1

Հետազոտահեն ուսուցման տեսական հիմքերը, պատմական ակնարկ

Հայ մանկավարժները վաղ միջնադարից սկսած որոշ քայլեր են կատարել ուսուցման գործընթացում դիտազննական, ցուցադրական և փորձառական մեթոդների ներմուծման ուղղությամբ: Դեռևս 5-րդ դարում Եզնիկ Կողբացին հանդես է եկել որպես փորձի միջոցով ուսուցման սկզբունքի ջատագով՝ քննադատելով Պյութագորասի «հնգամյան լռության» մեթոդը: Դավիթ Անհաղթը (5-6-րդ դարեր) կարևորել է ինքնուրույն ուսումնառությունը, խորհմացությունը, տրամաբանական մտածելակերպը: Նա ճանաչողական ընդունակությունների մեջ ներառում է զգայությունները, երևակայությունը, կարծիքը, տրամախոհությունը և միտքը (բանականությունը)²:

Ա.Շիրակացին (7-րդ դար), Գ.Մագիստրոսը (11-րդ դար), Հ. Սարկավազը (11-12-րդ դար) խրախուսում էին մրցակցության և ակտիվ ուսուցանման մեթոդները, նշում մարդու բոլոր զգայարանների ակտիվ մասնակցության առավելությունները³ :

Ուսուցման մեջ փորձի կիրառմանը մեծ գնահատական է տվել Հովհաննես Սարկավազը 11-րդ դարում՝ այն համարելով ամեն «բան ճշմարտելու» լավագույն ուղին և «խօս հանձար՝ անհանձարիցն» համարելով այն գիտնականներին, որոնք չեն կիրառում փորձերը գիտելիքների ձեռքբերման գործընթացում: Աբեղյանը և Լ. Ալիշանը ոգեշնչվելով, Սարկավազի աշխատություններով, նկատել են Սարկավազի աշխատանքների նորարարական առավելությունները նրա ժամանակակից եվրոպացիների նկատմամբ:

Ալիշանն էլ մեջբերում է Սարկավազին՝ ընդգծելով. «Դարձյալ թե և սորոք կիրթ և վարժ, առանց փորձի՝ կարծիքն հավատարմանալ ոչ կարացեն. և փորձ՝ հաստատուն և աներկբա... վասն զի ոչ է պարտ միայն հնագիտակ (հին բաներ իմացող) լինել այլ և ինքնաբաւ (ինքն իրեն բավական, ուրիշի անկարոտ) ըստ շնորհացն Աստուծոյ»⁴ :

Եսայի Նչեցին ինքնակրթությունը համարում էր կարևորագույն միջոց և խրախուսում ուսանողների ինքնուրույն աշխատանքները, իսկ Հովհան Ռոտունեցին դպրոցական

² Դավիթ Անհաղթ, Երկասիրութիւնք փիլիսոփայականք/ Համավահավաք քննաան բնագրեր և առաջաբանը Ս.Ս. Արևշատյանի, խմբ. Գ.Հ. Գրիգորյան, Եր., ՀՍՍՀ ԳԱ հրատ., 1980, էջ 10-11

³ Մովսիսյան Ա.Խ., Ուրվագծեր հայ դպրոցի և մանկավարժության պատմության (10-15 րդ դարեր), Եր., Հայպետուսմանկիրատ, 1958, էջ 388

⁴Սույն տեղում, էջ 388-390

ծրագրերում կրոնական բնույթ ունեցող առարկաներից բացի ներառեց աշխարհիկ կյանքի պահանջները բավարարող, գործնական առարկաներ՝ շաղկապելով ուսուցումն իրական կյանքի հետ ⁵ :

Մշո Սուրբ Կարապետ վանքին կից 1860 թ-ին ստեղծված «Ժառանգավորաց» վարժարանում աստվածաբանությունից բացի Մ.Խրիմյանն իրականացնում էր փորձարարական աշխատանքների ճանապարհով բնական գիտությունների դասավանդում, էքսկուրսիաներ բնության գրկում ⁶:

Սովորողների ինքնուրույն – որոնողական գործունեության ճանապարհով ուսումնառությունը խրախուսվում է նաև այլ պետություններում: Օրինակ՝ Ճապոնիայում լայնորեն շրջանառվում էր «Ուսուցիչ, մի՛ խանգարիր աշակերտին սովորելիս» դրույթը: ⁷

Շվեյցարացի ականավոր մանկավարժ Ի.Հ. Պեստալոցցին (1746-1827 թթ.) առաջնորդվում էր «Հետազոտենք ամբողջը, պահպանենք լավագույնը» սկզբունքով: Ն.Ս. Սկատկինը նկատում էր. «Ուսուցիչն աշակերտների առաջ ցուցադրում է հենց գիտական մտածողության ուղին, ստիպում է աշակերտներին հետևել մտքի՝ դեպի ճշմարտությունն ընթացող դիալեկտիկական շարժմանը՝ ասել է թե՛ նրանց դարձնելով գիտական պրպտումների մասնակից»⁸:

Սովորողների ինքնուրույն ուսումնառության և հետազոտական գործունեության անհրաժեշտության մասին նշել է դեռևս Յ.Ա. Կոմենսկին՝ իր «Մեծ դիդակտիկա» աշխատության մեջ գրելով, որ «ուսուցումը պետք է լինի հիմնավոր, այսինքն՝ այնպես պետք է ուսուցանել, որ սովորողը կարողանա հասկանալ խնդրի իմաստն ու վիճակը, ըմբռնի նրանց փոխադարձ պայմանավորվածությունը, կոնկրետ երևույթների մեջ տեսնի ընդհանուրը և մասնակին» ⁹ :

⁵ Սիմոնյան Յ. Ռ., Հայ մանկավարժության պատմություն, Եր., Մանկավարժ, 2006, էջ 42

⁶ Դայան Ա.Ծ., Աշխարհագրական գիտելիքների ուսուցման առանձնահատկությունները Արևմտյան Հայաստանի դպրոցներում 19-րդ դարի 2-րդ կեսին, Ատենախոսություն, Եր., 2012, էջ 76

⁷ Արցախի սկսական համալ սպրանի գիտական տեղեկագիր 2/2021, Հետազոտահեն ուսուցման տեսական հիմքերը, էջ 107

⁸ Սարգսյան Ա.Ս., Մանկավարժական տեխնոլոգիաների կիրառությունը որպես մաթեմատիկայի դասավանդման արդյունավետության բարձրացման գործոն, Եր., 2008, էջ 16-17

⁹ Կոմենսկի Յ.Ա., Մեծ դիդակտիկա, Եր., «Ձանգակ97», 2010, 432 էջ: 10. Կոնստանտինով Ն.Ա., Մեդիսկի Ե.Ն., Շաբաևա Մ.Ֆ., Մանկավարժության պատմություն, դասագիրք մանկավարժական ինստիտուտների համար, Եր., «Լույս», 1972, էջ 2

Կոմենսկու ուսուցման «Ոսկե կանոնը» հետազոտելով սովորելուն ուղղված ամենահիմնավոր սահմանումն էր, որը հաստատում էր, որ որևէ երևույթ ճանաչելու համար պիտի այն «տնտղել» բոլոր զգայարաններով¹⁰:

Ժ.Ժ. Ռուսոն ուսուցման գործում առաջնորդվում էր երեխային ինքնուրույն և ընտրության հնարավորություն տալով: Պեստալոցցին ևս խրախուսում է երեխայի ինքնուրույն գործունեությունը՝ առաջարկելով, որ «երեխայի մեջ պետք է զարգացնել ինքնուրույն տեսելու, լսելու, ամեն ինչ ինքնուրույն կատարելու, դատելու ունակություններ»:¹¹

Սուկրատյան մեթոդին իր զորակցությունն է հայտնել Դիստերվեզը՝ ընդգրկելով դասավանդման զարգացնող- շարադրական եղանակի մեջ, որի դեպքում երեխաները հանդես են գալիս որպես հետազոտողներ, գործում են ինքնուրույն. «Ամեն մի ճշմարիտ իմացություն ստացվում է գննողաբար սովորելուց»¹²:

Ռուս մանկավարժ Կ.Դ. Ուշինսկին հետազոտական գործունեության ճանապարհով սովորելու կարևորությունը հիմնավորում է նրանով, որ այս դեպքում ուսուցիչը չի սովորեցնում աշակերտին. նա միայն օգնում է նրան և ցույց տալիս՝ ինչպես պետք է սովորել: Նա խորհուրդ էր տալիս կիրառել սուկրատյան մեթոդը՝ հարցերի միջոցով առաջադրելով մտքերի և փաստերի հակասություններ, որոնք ստիպում են մասնակիցներին՝ միմյանց հետ բանավիճելու, միմյանց քննադատելու, արդարանալու և պաշտպանելու սեփական իրավացիությունը¹³:

Անառարկելի է, որ հետազոտական աշխատանքների իրականացման խթանը հետազոտության թեմայի և հարցի նկատմամբ երեխայի հետաքրքրասիրությունն է՝ զարմանքը: Հետաքրքրությունների ոլորտներն ու բնույթը տարբերվում են՝ պայմանավորված երեխայի տարիքային առանձնահատկություններով: Այսպիսով՝ հետազոտահեն կրթության կազմակերպումը սովորողներից պահանջում է ինքնուրույնության բարձր մակարդակ, ինքնակառավարման և հետազոտական զարգացած հմտություններ հետազոտության բոլոր փուլերում:

Գլուխ 2

¹⁰ Կոմենսկի Յ.Ա., Մեծ դիդակտիկա, Եր., «Զանգակ97», 2010, 432 էջ: 10. Կոնստանտինով Ն.Ա., Մեդիսկի Ե.Ն., Շաբաևա Մ.Ֆ., Մանկավարժության պատմություն, դասագիրք մանկավարժական ինստիտուտների համար, Եր., «Լույս», 1972, էջ 27

¹¹ Արցախի պետական համալսարանի գիտական տեղեկագիր 2/2021, Հետազոտահեն ուսուցման տեսական հիմքերը, էջ 108

¹² Դիստերվեզ Ա., Մանկավարժական ընտիր երկեր, - Եր.: «Հայպետուսմանկիրատ», 1963, էջ 216

¹³ Ուշինսկի Կ.Դ., Մանկավարժական ընտիր երկեր, - Եր., «Հայպետիրատ», 1949, էջ 239-240

Հետազոտահեն ուսուցման իմ փորձը

Հետազոտական աշխատանքների նկատմամբ պահանջմունքը պայմանավորված է երեխայի բնույթով: Չէ՞ որ երեխան ի ծնե հետազոտող է:

Հետազոտությունների նկատմամբ հակում ունեն բացառապես բոլոր երեխաները: Նոր տպավորությունների անհագ ծարավը, հետաքրքրասիրությունը, փորձ անելու և ճշմարտությունն ինքնուրույն բացահայտելու մշտական ձգտումը հատուկ է վառ երևակայությամբ օժտված և էներգիայով լեցուն երեխաներին: Ուստի ուսուցչից պահանջվում է այդ էներգիան ուղղորդել երեխաների այդ մեծ նպատակի իրականացմանը:

Հետազոտական գործունեությունն անձի ակտիվ ստեղծագործական վերաբերմունքն է շրջապատող աշխարհի նկատմամբ, որն արտահայտվում է պատրաստակամությամբ, աշխարհի ճանաչմանը նպաստող գործնական կարողություններով, զանազան, երբեմն էլ անսպասելի, ոչ կանխատեսված հետազոտական արդյունքների ստացմամբ և հետագա ճանաչողական գործընթացում դրանց կիրառմամբ: Երեխան սովորում է դիտարկել, խորհել, համեմատել, կատարել եզրահանգումներ, պատասխանել հարցերին և այլն: Հետազոտական գործունեության արդյունքը ոչ միայն գիտելիքներն են, որոնք նա ձեռք է բերում, այլև ճանաչողական գործունեություն ծավալելու միջոցները, որոնք նպաստում են անձի մտավոր զարգացմանը: Հետազոտության խնդիրներն անպայման պետք է համապատասխանեն տարիքին և գտնվեն սովորողների մերձակա զարգացման գոտում, քանի որ հետաքրքրությունը աշխատանքի նկատմամբ և մատչելիությունը որոշում են աշխատանքի ընթացքը:

Հետազոտական գործունեության ընթացքում լուծվում է հետևյալ կարողությունների զարգացման խնդիրը:

- . ճանաչողական կարողություն
- . տեղեկատվական դաշտում կողմնորոշվելու կարողություն
- . գիտելիքներն ինքնուրույն կիրառելու կարողություն

Հետաքննության վրա հիմնված ուսումնառության փուլերն են՝

- . Պլանավորում
- . Որոնում
- . Մշակում
- . Ներկայացում

Գնահատում

Հետազոտահեն ուսուցումը պատմական մտածողություն զարգացնելու խթան է: <<Պատմության հետախույզի>> գաղափարը շատ ազդեցիկ է դառնում: Ջգալի արդյունքի կարելի է հասնել նաև անծանոթ աղբյուրների և անցյալի նյութական մշակույթի հետ աշխատելու միջոցով¹⁴:

Նման փորձ ընձեռում է 2020 թվականից Հովհաննես Թումանյանի թանգարանի կողմից իրականացվող <<Յոթը սարի ետևում >> գիտակրթական մրցույթ-փառատոնը:

Երկու անգամ իմ աշակերտուհու՝ Ա.Սարգսյանի հետ անհատական մասնակցություն ենք ունեցել մրցույթ-փառատոնին և արժանացել Ղևոնդ Ալիշան հատուկ մրցանակի՝ ամենաիտաքրքրական և շարունակելի ուսումնասիրության համար՝ << Առաջաձորի պատմամշակութային հուշարձանները >> և Հովսեփ Օրբելի մրցանակի՝ <<Գեղանուշի պատմամշակութային ժառանգությունը>> հետազոտական աշխատանքների համար:

Հետազոտահեն ուսումնասիրությունը բաժանվում է պասսիվ և ակտիվ փուլերի: Պասսիվ ուսումնասիրության ժամանակ փնտրվում և ուսումնասիրվում է ընտրված թեմայի հետ առնչվող գրականություն:

Ակտիվ ուսումնասիրության դեպքում կազմակերպվում են այցեր դեպի ընտրված հուշարձան, կատարվում լուսանկարներ ,գծագրեր, չափագրումներ ,վիճագիր արձանագրությունների վերծանություններ ,գրի առնվում հուշարձանի հետ կապված ավանդությունները, լեգենդները, առասպելները, պատմությունները, դեպքերը և իրադարձությունները, հիշողությունները;

Հետազոտողը կազմում է դաշտային ուսումնասիրությունների օրագիր, ստեղծում սահիկահանդես, հեռավար հարթակում շփվում տարբեր մասնակիցների հետ, ներկայացնում իր հետազոտական աշխատանքը, ձևավորում պատմական մտածողություն , սեր ու հարգանք տաժում անցյալի մշակութային հուշարձանների հանդեպ:

Նյութական մշակութային ժառանգության ուսումնասիրության համար ներկայացվում է հուշարձանի ուսումնասիրության ներկայացման ձևաչափ: (տես հավելվածում)

Հավելված

ՆՅՈՒԹԱԿԱՆ ՄՇԱԿՈՒԹԱՅԻՆ ԺԱՌԱՆԳՈՒԹՅԱՆ՝

¹⁴ Գիրք պատմության ուսուցման. Ինչու՞, ինչպե՞ս , <<Պարադիգմա>> կրթական հիմնադրամ, 2020, էջ 20

*ՀՈՒՇԱՐՁԱՆԻ ՈՒՍՈՒՄՆԱՍԻՐՈՒԹՅԱՆ ՆԵՐԿԱՅԱՑՄԱՆ
ՁԵՎԱԶԱՓ*

ԲՈՎԱՆԴԱԿՈՒԹՅՈՒՆ /Ներկայացվում է աշխատանքի կառուցվածքը/

ՆԵՐԱԾՈՒԹՅՈՒՆ - մինչև 3 էջ / ներկայացվում է աշխատանքի կարևորությունը /

ԳՆՈՒՄ ԱՌԱՋԻՆ / ներկայացվում է հուշարձանը, նրա առանձին շինությունները, հատվածները, մի քանի հուշարձանից բաղկացած հուշարձանի դեպքում ներկայացվում են հուշարձանները մեծից փոքր կամ ըստ թվագրության՝ վաղ կառուցվածից ուշ հերթականությամբ: տեղադրվում են նաև հին լուսանկարներ, գծագրեր, չափագրություններ և այլն: Հնագիտական հուշարձանի դեպքում կատարված պեղումները, կարևոր, նշանակալի գտածոները, դրանց լուսանկարները, գծանկարները/

ԳՆՈՒՄ ԵՐԿՐՈՐԴ /ներկայացվում են հուշարձանում, նրա շրջակայքում առկա վիճագիր արձանագրությունները, մասնակիցների կողմից դրանց արտագրում/արտանկարումը,/


ԳՆՈՒՄ ԵՐՐՈՐԴ / ներկայացվում են հուշարձանի հետ կապված ավանդությունները, լեգենդները, առասպելները, պատմությունները, դեպքերը և իրադարձությունները, հիշողությունները/

ԳՆՈՒՄ ՉՈՐՐՈՐԴ/ ներկայացվում են հուշարձանի տարածքում մասնակիցների կատարած աշխատանքները՝ գծագրեր, հատակագծեր, լուսանկարներ, չափումներ և այլն/


ՎԵՐՋԱԲԱՆ /Ամփոփվում է աշխատանքը՝ ըստ կետերի ամփոփ ձևով ներկայացվում աշխատանքը/- մինչև 5 էջ

ԳՐԱԿԱՆՈՒԹՅԱՆ ՑԱՆԿ / ներկայացվում է օգտագործված գրականությունը, աղբյուրները, և այլն:

ՍԲ Հռիփսիմե (գործող) Եկեղեցի 1870թ.




Ա. Սարգսյանը՝ Գեղանուշի սբ. Հռիփսիմե եկեղեցին չափագրելիս:



Սբ Հռիփսիմե չգործող

Եկեղեցի Գեղանուշ

Տապանաքար



Այս է տապան մզկիթեցի Ղապիթի որդի ոսկերիչ Ղադայի. 1808թ.

Գեղանուշի գերեզմանատուն (17-19-րդ դդ)



Հանգած եկեղեցու, մոտ 10-13-րդ դդ.



Գեղանուշի կամարակապ <<նավը>> 1912թ.



Տեր Ղևոնդ քահանա Ավազյանի տան հնությունները



Տեր Ղևոնդ քահանա Ավազյան



Սավադի ջրաղացը (19-րդ դարի վերջ, 20-րդ դարի սկիզբ)




Նժդեհի զինակից, դափանյան ուժերի հրամանատար Գերասիմ Աթաջանյանի տունը



«ՅՈՒՑ ՍԱՐԻ ԷՏԵ-ՎՈՒՄ» հայրենաճանաչողական-գիտակրթական մրցույթ-փառատոն
 Էլ. փոստ՝ competitionfestival@gmail.com / հեռ.՝ (010) 560021 / Sbaryovqyan.hayastan.am

Նկար 2. Առաջածորի Սր Ստեփանոս Նախավկա եկեղեցու չափազույգայուն և հատակագիծ՝ արված իմ ձեռքով: (Ա. Սարգսյան)



«ՅՈՒՑ ՍԱՐԻ ԷՏԵ-ՎՈՒՄ» հայրենաճանաչողական-գիտակրթական մրցույթ-փառատոն
 Էլ. փոստ՝ competitionfestival@gmail.com / հեռ.՝ (010) 560021 / Sbaryovqyan.hayastan.am



Նկար 6. Սր Ստեփանոս եկեղեցու մուտ դրված անվանի մարդկանց տապանաքարերը: Լուսանկարը՝ Ա.Սարգսյանի:

Նախավկա եկեղեցի

Առաջածորի սր Ստեփանոս



«ՅՈՅՑ ՍԱՐԻ ԵՏԵՎՈՒՄ» հայրենաճանաչողական-գիտակրթական մրցույթ-փառատոն
 Էլ.փոստ՝ competitionfestival@gmail.com / հեռ.՝ (010) 560021 / [Ֆեյսբուքյան խումբ](#)




Վարսենիկի մատուռ և դամբարան



«ՅՈՅՑ ՍԱՐԻ ԵՏԵՎՈՒՄ» հայրենաճանաչողական-գիտակրթական մրցույթ-փառատոն
 Էլ.փոստ՝ competitionfestival@gmail.com / հեռ.՝ (010) 560021 / [Ֆեյսբուքյան խումբ](#)

Քաղեկված 2.

Նկար 1. Վարսենիկի մատուռի չափագրություն և հատակագիծ՝ արված իմ ձեռքով:
 (Ա.Ասարգյան)





«ՅՈՅՑ ՍԱՐԻ ԵՏԵՎՈՒՄ» հայրենաճանաչողական-գիտակրթական մրցույթ-փառատոն
 Էլ. փոստ՝ competitionfestival@gmail.com / hbn.՝ (010) 560021 / [Տեղադրեքան հեռ. մը](http://www.hbn.am)

Քաղեված 3.

Նկար 1. Ար Առնիփանոս Նախավկա եկեղեցու հարավային պատին ագուցված արձանագրությունը՝ Լուսանկարները՝ Ա.Աարգսյանի:



..ԱՐ

ԸՍՏԵՓԱՆՈՍ

ԵԿԵՂԵՑԻՄ

ՈՐՄԳԱՆԱՅ

ՅՈՒՆԿԻՄ ԵՒ ԳԵՈՐԳ

1838

Պատմության ուսուցչուհուս կարծիքով չըրևացող բառը կարող է լինել շինեցան:

Եզրակացություն

Հետազոտահեն ուսուցման տեսական հիմքերը շաղկապված են կառուցողական կրթության հետ: Հետազոտահեն կրթությունը ենթադրում է սովորողների գործուն մասնակցություն դասագործընթացին: Այսպիսի մոտեցումն ապահովում է գործունեության ճանապարհով առարկայական գիտելիքների ձեռքբերում, որը նպաստում է քսանմեկերորդ դարի մարդուն անհրաժեշտ կարողությունների ձևավորմանը: Հետազոտահեն ուսուցման նշույլները, գտնվելով անտիկ աշխարհում, լայնորեն տարածվել են հայ և օտարազգի մտածողների աշխատանքներում՝ հանդիսանալով սովորողների ինքնուրույնությանը նպաստող և արդիական կրթական միջավայրի ստեղծման նախապայման: Ուսուցման հետազոտահեն մեթոդները հանդիսանում են պատմական ակտիվ մտածողության խթան, սովորողի մոտ ձևավորելով նոր կարողություններ և հմտություններ, ձևավորելու վկայություն՝ հետազոտական աշխատանքում բացահայտումներ կատարելու միջոցով, որը հիմնված է իր իսկ կատարած փորձառնությունների վրա:

Օգտագործված գրականության ցանկ

1. Արցախի պետական համալսարանի գիտական տեղեկագիր 2/2021, Հետազոտահեն ուսուցման տեսական հիմքերը ,224 էջ;
2. Գիրք պատմության ուսուցման. Ինչու՞, ինչպե՞ս ,<<Պարադիգմա>> կրթական հիմնադրամ,2020, 295 էջ:
3. Դայան Ա.Ծ., Աշխարհագրական գիտելիքների ուսուցման առանձնահատկությունները Արևմտյան Հայաստանի դպրոցներում 19-րդ դարի 2-րդ կեսին, Ատենախոսություն, Եր., 2012, 126 էջ :
4. Դավիթ Անհաղթ, Երկասիրութիւնք փիլիսոփայականք/ Համավահավաք քննաան բնագրեր և առաջաբանը Ս.Ս. Արևշատյանի, խմբ. Գ.Հ. Գրիգորյան, Եր., ՀՍՀ ԳԱ հրատ., 1980, 340 էջ :
5. Դիստերվեզ Ա., Մանկավարժական ընտիր երկեր, - Եր.: «Հայպետուսմանկիրատ», 1963,490 էջ:
6. Կոմենսկի Յ.Ա., Մեծ դիդակտիկա, Եր., «Զանգակ97», 2010, 432 էջ:
7. Մովսիսյան Ա.Խ., Ուրվագծեր հայ դպրոցի և մանկավարժության պատմության (10-15 րդ դարեր), Եր., Հայպետուսմանկիրատ, 1958, 527 էջ :
- 8 Սարգսյան Ա.Մ., Մանկավարժական տեխնոլոգիաների կիրառությունը որպես մաթեմատիկայի դասավանդման արդյունավետության, 150 էջ:
9. Սիմոնյան Յ. Ռ., Հայ մանկավարժության պատմություն, Եր., Մանկավարժ, 2006,264 էջ:
10. Ուշինսկի Կ.Դ., Մանկավարժական ընտիր երկեր, - Եր., «Հայպետիրատ», 1949,284 էջ: